

公會力陳中興四議。一曰聲大義以作恢復之計。二曰明大勢以爭恢復之機。三曰定大略以收恢復之功。四曰固根本以立恢復之基。惜舉朝沓泄。毋能用也。日生名易。

自炳字君晦。亦工詩。車遙遙篇云。車遙遙兮馬閑閑。壯士去兮入秦關。春風暮兮秋草殘。追思君兮淚潺湲。豫章行云。頽曦有重旦。缺魄當再圓。落花還更蕊。衰草可復鮮。陰陽有消長。于人獨不然。奄忽辭親友。永訣入九泉。九泉杳冥冥。長夜何漫漫。感念痛生人。千載難復還。皆可傳之作。

當崇禎十一年。我分兵四道薄京師時。盧忠烈奉命督師。卒不滿五千。以孤軍沒於陣。死事極烈。余于史外見其載。有在塞外書片紙與所親曰。吾嘗校獵塞外。親逐魏兔。將吏擊狐伐虎。耳畔生弦勁。筈聲救救。脫去如蔗羣。饑噉不絕。以爲笑樂。遇平岡呼酒坐地。與諸大帥論兵法。慷慨及時勢。不覺鬚豎。匪裂。諸帥皆起舞還。復與較射百數十矢。跨生駒濺刺而還。笑呼曹景宗小兒。強作解事。讀其文想見其人矣。

繼盧忠烈公而死邊難者。爲孫文正。孫高陽。生長北方。負燕趙悲歌之節。古風近體。卓犖沈

塞。直登作者之堂。著有南陽集。山海圖云。甲冑詩篇少。乾坤戎馬多。幻仍看海市。壯擬挽天河。塞上人先死。山頭月奈何。羣雄驕語日。一劍幾經過。送友人云。山城吹角月婆娑。一派秋聲向客多。已是愁中聽不得。那堪重唱渭城歌。秋曰飲甯氏水亭云。孤閣臨流混太清。烟波渺渺抱重城。西風莫捲枯荷盡。醉客重來聽雨聲。其哭鹿朝岳百首。尤一字一淚。令人不可卒讀。當公之再奉朝命。經略遼薊也。置酒別親朋。會者百人。一客中酒前席言曰。公之始出。否爲國慶。而今重有憂。封疆社稷。寄公一身。公能堪備物自奉。人莫之非。不能。雖毀身家。責難道。况儉穀乎。吾見客食皆蟹。而公獨飯粗。食小名以鎮物。非所以負天下之重也。公揖而謝曰。君誨我甚重。然非敢以爲名也。好衣甘食。吾爲秀才時。固不厭。自成進士。釋褐而歸。念此身已非我有。當國家多難。恐一旦任事。非忍飢耐勞。毋以奉衆。自是不敢適口體。強自屢厲。今十有九年矣。吾故錄之以告當世之飽食煖衣。而不知國家爲何物者。嗣本朝陷高陽。公卽入城。取弓弦自縊。夜有田舍人窺之。鱗甲怒生。如虬龍狀。莫敢逼視云。

袁臨侯之總督九江軍務也。左良玉擁兵不進。公指江上浮屍謂良玉曰。將軍忍見此乎。既而

又曰。將軍功多罪亦不少。朝廷不督過之一。歲遣雨中使宣諭開國。徐中山來所未有也。奈何不圖報稱。人孰無死。張睢陽死。賀蘭進明亦死。吾行矣。甯爲睢陽死。不爲賀蘭進明生。左大歐動。始進師收復武昌。臨候嘗自銘其座右曰。死事也易。成事也難。爲嬰弗克。爲白維艱。張匪死先。許死匪後。臣心靡他。請獻我后。既而師潰北徂。我朝勸其降。弗聽。又自銘曰。大官好做。大節難移。成仁取義。前訓是依。文山袁山。仰止庶幾。袁山臨候別字也。在獄中讀謝臯羽西臺慟哭記。詩云。南方有朱鳥。飛中虞人泣。飼以金精粒。對之不下咽。粒味豈不旨。不如南土泉。黃冠志弗遂。碧血流濺濺。有客感意氣。慟哭西臺巔。擊碎鐵如意。悲響震巖川。歸舟不成寐。彷彿語燈前。嗟彼積翁羅。我非雀與鳶。夢炎何足刺。知已殊未然。周粟不可茹。箕疇曾未傳。生死良非苟。忠孝各自全。謝子幽明契。聊以祕懷宣。言罷倏不見。月明高在天。後卒就義於區市。嗟乎。哀莫哀於亡國。慘莫慘於辱身。賈生之吊屈原。彌衡之賦鸚鵡。豈足喻彼萬一乎。

吳縣楊維斗。國變後。避居光福山中。忽被繫繫之舟中。餓五日不死。書血衣遺其孤云。廷樞幼讀聖賢之書。長懷忠孝之志。爲孝廉者。一十五載。生世間者。五十三年。作士林鄉黨之規模。肩

綱常名教之重任。惜時命之不猶。未登朝而食祿。值中原之有難。遂蒙禍以捐生。其年則丁亥之歲。其月則孟夏之中。方隱避於山阿。忽陷身於羅網。時遭其變。命付于天。雖云突如其來。亦已知之久矣。平生所學。至此方覺快然。千古常昭。到底終爲不沒。但因報國無能。懷忠未展。終是人臣未竟之事。尙孤累朝所受之恩。留此血衣。以俟異日。舟中矢志。不能盡言。未署四月二十八日六字。見我軍帥時。慢罵不已。就義於蘆墟泗洲寺。當死之時。首已斷。而聲從項中出。益厲。著有古柏軒詩集。訛聞云。世塗縉繖多。結廬在窮谷。神惇嗟樊雉。心危怯庖鹿。耳目異驚喜。早暮更禍福。先憂累親朋。失色觀奴僕。共傷衰德鳳。應賦知命鵬。且當飲醇酒。勿向詹尹卜。舟中云。野岸官橋路已蕪。寒江暮雨客舟孤。烟中帆影時開落。霧裏山光半有無。宿鳥驚心猶未下。哀援引臂自相呼。淒其古渡黃昏候。一點漁燈起荻蘆。君名廷樞。

善允誠字汝玄。無錫人也。崇禎間。屢疏彈首輔溫體仁。直聲震一時。以親老乞歸。福王卽真。就官十餘日。卽引疾歸。及明亡。指頭上髮曰。留此必買禍。然吾食祿先朝。去之無以見祖宗于地下。已而被執。我朝脅之降。曰。一祖列宗在上。允誠髮不可去。身不可降。遂死於難。從孫尙濂。二

僕薛成。朱孝皆從之死。

金谿王萬育。士和。崇禎間舉人也。見時事日非。輒慨然曰。九州雖大。正人有幾。名士如匏。徒亂人國。他日不爲漢之黨錮。必爲晉之幽沉。今既不救。異時更無可救。言已泣數行下。已而南都陷。萬育避亂之閩。唐王立。擢授吏部司務。晉兵部主事。出守延平。亡何大清兵猝至。急召父老曰。吾雖一月郡守。當與城共存亡。若輩可速。出來日方長。勿徒以數萬生靈膏人斧鑕也。因書絕命詞於屋壁云。悲風烈烈揭虛城。正氣從來履險貞。一月延平共死難。孤忠千載有誰明。書畢正衣冠投繯而死。先是新城有王士和者。字允協。御史與胤之子。亦殉國難者也。其絕命詞云。痛余生之不辰兮。天滅我之立王。我父母一聞之兮。涕滂沱以彷徨。以身殉國。難兮。維千古之臣綱。嗟反面而事仇兮。方臣妾之未遑。哀世溷濁兮。四維不張。大地無容身之隙兮。願隨我父母歸於帝鄉。御史公方求死時。或勸其暫解之。允協曰。此大好事。汝曹安用喋喋爲。壬午之役。其妻亦死於難。忠臣孝子烈婦。後先取義。萃於一門。不亦足千古耶。噫。

陪都失守。魯王尙在台州。張國維與陳函輝實擁立之。張以大學士督師江上。連復於潛諸縣。

贛水殘山。大有回復之機。會方國安逼魯王南行。江上諸軍盡解散。國維追至石巖。方國安斷所過橋。不得進。過東陽。聞義烏破。憤不欲生。衆交勸少忍。徐圖再舉。歎曰。誤天下者文山。疊山也。有死而已。復何言。具衣冠南向。再拜投園池死。子一。亦死於亂兵中。登采石贈諸將云。月明橫槊倚層峯。宵柝風飄和梵鐘。舊是關平賈勇處。諸君努力此書庸。君字其四。號玉筍。東陽縣人。

陳函輝字木叔。臨海縣人。與張國維同時入關。國維死。君遂投繯於雲峯山中。死之前。尙作絕命詩自祭文及埋骨記各一首。從容如平時。著有寒山集。集中贈僧之詩居多。渾金璞玉。不假修飾。自然名貴。錄其劉伶卷詩一什云。有酒宜成頌。知君恥獨醒。回車經巷口。荷鍤信丘冥。死豈人埋得。言猶婦可聽。閉關當日飲。想像祇忘形。其小寒山一集。多詆毀國朝之語。乾隆四十七年。奉旨銷燬。列爲禁書矣。

方陪京之失守也。趙之忻朱國弼輩。爭先作新朝順民。惟新城黃端伯獨大署九字於門曰。大明忠臣黃端伯之寓。大清兵召之至。不拜。與之語。則大罵。遂及於難。其絕命詞云。對面絕思量。

狗露金剛王。若問分身處。刀山是道場。第三句一作若問安身處。端伯生平好佛。所著四書五經語。亦以禪語闡入。如春秋頌云。通身手。通身膽。句中有限定乾坤。識者須從身外反。又嘗鑄一私印曰。海岸道人。取楞嚴經引諸沈冥出於苦海之語。及晚年。慶去印文。改鑄忠孝廉節四字。終以殉國流芳。可謂不負其志。有瑤光閣集十三卷行世。集中律詩最佳者如從軍行云。萬里長城北。蕭條白草荒。風沙吹不去。秋色正茫茫。日冷行空壘。天低壓戰場。別來一回首。何處是家鄉。遼落蕭關外。陰風萬馬肥。至今勞北顧。何敢念東歸。列戍傳金柝。寒沙臥鐵衣。戰場春不到。白雪作花飛。建德道中云。青天霜氣迥。匹馬立平沙。遠道風千里。長城月萬家。亂山盤徑險。深樹引堤斜。夙昔悲秋意。偏於作客賒。

餘姚熊雨殷汝霖。魯王時。官至大學士。一日。王廷見謂之曰。數年顛躓。蹙蹙靡騁。春至矣。先生得有佳兆否。汝霖云。臣向少夢。惟昨午夢一道士。羽衣翩跹。揖臣而贈以詩。但記末二句云。可惜忠臣一片心。付與東流返故鄉。王默然。爲反其意云。堪羨忠臣百折心。暮途澄澈返故鄉。鄭彩素惡忌之。是年竟遣壯士縛而沉諸江。天不祚漢。一二遺黎。刀兵水火。死之不足。更自相屠。

戮。是可痛也。給事中陳希文弔以詩云。數載風濤絕湖游。驚聞砥柱折中流。半肩日月魂猶在。九族衣冠夢入洄。沙掩殘軀潮作淚。靈招窮嶼水爲愁。何時破浪乘風去。酒血橫戈易水頭。誦之悽然。

李向中。字豹章。鍾祥人也。入浙東由進士歷官至兵部尙書。與張國維後先抗節死。遺詩有血化萇宏碧。相將燃死灰之句。昔人讀諸葛武侯出師表。至死而後已句。已譏其失詞。蓋以爲志士報國。一死不足以謝責。向中其知此義歟。或傳其旅舍題壁一絕云。雲外平林東郡。天邊落日西峯。悲涼此夕何夕。燈火黃昏店中。

魯王時。死事最烈者。太僕少卿陳潛夫亦其一也。紹興下書絕命詞一什云。父兮生我。申以嚴誨。惟孝惟友。曰忠與義。丙子鄉舉。顧名自勵。名曰孝廉。庶幾無媿。致身之期。歲在癸未。司理開封。星言視事。以身許君。有死無二。是時南河。賊氣如蝟。衆人迴車。予獨攬轡。賊出河朔。羣工奔避。予乃渡河。擊楫而濟。誓清河南。以報先帝。手披荆棘。身禦魍魅。獨張空拳。以當賊騎。知有封疆。九死何畏。三十州邑。終復舊地。維時先帝。鑒予忠瘁。授以巡方。繡衣北莅。惜也諸姦。互相牽

制。中樞信讒。嫉予不媚。聯絡要圖。置之罔遂。三日撤歸。可爲隕涕。哀哀先人。一時捐棄。甘旨莫承。遺書淪廢。我哀方盈。姦露轉熾。赫赫金吾。逮予邸第。園情幽憂。虜氛猝至。匍匐歸來。挈家奔避。航海飄零。請兵于會。召募丁男。三百而已。衣甲糗糧。皆予自備。血戰江干。二十餘次。糧寡兵微。於事何裨。疾痛呼號。徒然憤恚。丙戌五月。公侯師潰。區區孤軍。其何能濟。事不可爲。偷生何貴。拜別吾母。以及諸弟。挈吾妻妾。從彭咸逝。成仁取義。千古如是。書畢。遂挈妻妾孟氏等赴水死。時年三十七。君字玄情。錢塘人。由鄉舉司理開封。南渡後。忤馬士英。被羅織下獄。魯王立。始拜太僕寺卿。

曲周路見白振飛。由進士官涇陽知縣。遷漕運總督。巡撫淮陽。當乙酉南京破。唐王正位于福州。以書召之。中有朕守困恩。官路振飛之語。先是唐王以罪錮。守陵中官虐之備至。曲周抗疏。請宥宗室之得罪者。遂得釋出。故書中云云。既至。晉太子太保。拜吏部尙書。兼文淵閣大學士。迨唐王敗走汀州。曲周奔赴不及。而汀州破。遂竄身海島。當順治四年頃。初擬赴永明王召。旋自經於邵武山中。永明聞之。賜諡文貞。錄其餘夕詩一章云。仗劍以從戎。自憐轉自喟。黔驢欲

噬。病馬思追。驥匡濟復渺然。進退兩無致。漂泊海舟中。面目亦堪悲。天心或垂憫。俾全名與義。寸衷百慮嬰。竟夕不成寐。鷄鳴又一年。歲月悲空棄。從唐王時作也。譚梁生謂其柄國酬知之日。乃作此垂首喪氣之語。足見不負心人。誠然。

文貞子澤浦。與顧甯人友善。甯人贈詩有天子呼恩官。干戈對王使。感激千載逢。一下君臣淚等語。指文貞前事也。又云。擒魁獻行朝。逆黨皆戰慄。則指文貞擊擒李闖節度使呂弼周。及防禦使武懷。檻車獻南朝伏誅事也。嗣甯人被難山東。澤浦救援甚力。甯人又贈詩云。自分寒灰卽溺餘。非君那得更吹嘘。窮交義重千金許。病吏情深一上書。大麓陽鸞同宿舛。岷江春水下枯魚。丁甯未忍津頭別。此去防身計莫疎。是父是子。可以立懦廉頑矣。

蕭田朱立望繼祚。唐王時與曲周相繼入關。兵敗臨難。書絕命詞云。嗟予生兮不辰。逢慘禍兮擗身。乾坤崩潰兮陸海爲塵。日星掩暉兮萬象沉淪。人誰無死兮鴻毛泰嶽。惟其所處兮寔延彭促。旦夕畢命兮去將安之。夫妻子母兮不得相依。上告蒼天兮鑒此微詞。雖爲蓋粉兮甘之如飴。千秋萬歲兮誰其予知。與化俱徂兮於戲噫嘻。

魯王暨國白遣二人訪求天下知名有氣節之士。二人至蘇。首列劉曙名於冊。曙字公旦。蘇之長洲人。未幾二人被執。并得其冊。見曙名。遂移兵捕之。獲於齋口。并縛其二子。械至江甯。令其供。曙曰。我每飯不忘國。起義乃素志。恨不能手刃汝輩。死當爲厲鬼殺汝。汝其少待。我兵大怒。白挺交下。頭上血注如雨。臨刑時語旁觀云。我今日死得甚快甚歡。甚轟轟烈烈。連呼高皇三而死。絕命詩云。孤臣孤子淚如泉。死傍君親即灑然。吾道直如頭上髮。此心清似水中蓮。枕戈未雪河山恨。濡筆空勞史冊傳。款戀春暉恩慈母。登堂愁賦白華篇。著有節必居稿。又乙酉八月十四夜。匿影農家夢楊維斗詩云。覆被短簷下。月華靜窺帳。子來入我夢。顏色耿相向。爲別亦已久。不問別來狀。互言白髮新。慷慨復悽愴。分袂還躊躇。欵枕轉惆悵。緬思定交日。總角氣方壯。文酒多奇憶。圭璧有微尚。中原今陸沉。吾道未淪喪。亂離憶朋儔。鷄鳴不能忘。乃知君與友。一義相摩盪。浩歌絕命詞。與子共酬唱。所敦在夙昔。存沒總依傍。相期太華巔。千秋訊無恙。讀其詩。可以想見其人矣。

林奎字子楚。侯官人。初任海甯縣。唐王時。授吏部郎。嗣唐王走江西。魯王入閩。子楚復往從之。別其父曰。兒當死久矣。海甯當死。屢彈駐鎮州當死。兒今不死。失人臣之分。貽父母之羞。後竟荷戈先戰。死於陣。著有恥齋集。爲鄆都書會云。所南之蘭無土。恥齋之竹無根。想見百千年後。焚燒紙上血痕。噫嘻。天有時而傾耶。地有時而覆耶。南馳蒼梧漲海。北走紫塞鴈門。祖宗沐雨櫛風。經百戰。歷萬苦。所遺留之天下。不爲小也。一旦風雲變態。強弱異時。冠加於履。莫知之憤。主反爲奴。莫知之辱。于是王孫泣于路隅。志士窮於西山。求食不得。求衣不得。至求一棲身一葬身之所。亦不可得。此子楚之畫竹。所由悲從中來也。夫。此余讀子楚之詩。所以益悲不自勝也夫。

隆武二年八月。舟山破。大學士張肯堂知勢不可支。遂整衣冠。焚香北謝。偕其妻並二寡媳及僕婦等。將投繯。各用綾丈餘。尙餘數尺。適中書蘇兆殷至。肯堂曰。來得好。願同做一完人。兆殷慨諾。遂就縊於其次。肯堂有絕命詩云。虛名廿載著人寰。晚歲空餘學圃閒。難賦歸來如靖節。聊歌正氣續文山。君恩未報徒費志。臣道無虧在克艱。寄語千秋青史筆。衣冠二字莫輕刪。書於院左之雪交亭。先是肯堂請出募舟師。由海道徑至江南。以爲江南義師。必大響應。然後大

兵由闔出浙。首尾策應。則我朝可乘也。嗚乎。出師未捷身先死。長使英雄淚滿襟。何千古不幸事如出一轍也。

吳鍾巒字懋樞。武進人也。舟山破。播所著易經。並禮部尚書印。就學宮孟子座下。積薪自焚死。有大庾道中詩云。亂離何地度年華。老至仍憐去路賒。共指此心猶似水。相逢多說已無家。關山寂寞行人少。雲樹蒼黃落日斜。逆旅挑燈愁獨寐。夢思應繞赤城霞。

劉宗周啓東。別字念臺。山陰人。福王時。上疏陳時政得失。有云。新朝既立。自應遣北伐之師。不然。馳一介之使。問道北進。檄燕中父老。塞上戎王。共雪仇恥。未必無濟於事。馬黨忌之。遂罷歸。杭州陷。公大痛。躍入水中。被救得不死。絕食二十三日。乃死。遺詩有信國不可爲。偷生豈能久之句。何其言之痛也。著有蕺山集。出通州次友人韻云。策蹇何所之。遭時亦云厄。一步一回首。四郊營壘迫。大道直如矢。青天萬古關。從此遂已而。身後令人惜。酬別長安故人云。弱柳千條鎖風樓。春風送客不勝愁。杜門重憶十年病。束髮誰先天下憂。銷鑠壯心吾自老。徬徨歧路子何求。却教空谷傳嘯唱。落日浮雲滿帝州。公起家進士。歷事三朝。立朝蹇蹇有古大臣風。家居

恆服紫花布衣。十大夫爭效之。烈皇曾賜手教云。蔬食菜根。三月不知肉味。敝車羸馬。廿年獨是書生。其受主知如此。

揚州陷。閣部史公。知府任公民育。同時殉國。時崇德吳爾璽方從賊中脫歸。依閣部軍中。慷慨捐生。因世論所謂可以死可以不死者也。然當時但知其從賊。而無人稱其殉節。世事淆亂如是。當不可傷滋蘭室。初集。聶許堂遺草。皆公遺著也。有秋風辭云。秋風颯颯兮切素肌。華林摧謝兮蚤登啼。綺席陳兮清歌闕。美人去兮何時還。羽蓋飛兮龍媒乘。發激楚兮簡詔鳴。采三秀兮餐玉英。思縣貌兮遐征。歲華荏苒兮何時平。我行其野云。我行其野。石田嶸岫。荒原黯淡。不見人。黃埃接天。有狐旣旣。陰風吹車。慮擊其輪。相彼征駒。尙求果腹。嗟我人斯。終朝無祿。蠅臙之生。不遺在粟。哀哉。鴈戶。載行載哭。我丁匪辰。紛此百罹。寇江于郊。僉曰撫之。惟儉人是咨。俾大瑞是司。我行其野。告哀以詩。公字介子。號以白。一日遇同鄉祝孝廉淵南還。斷一指裹家書中。遺其親。蓋示不生還也。後其家人即以所寄指葬之。

同時有吏部文選司主事曾子喜。同益藩起兵。亦斷爪指裹而葬之。謂其子筠曰。此身分殉君

國。此骨歸之泉壤。錫亦時語人曰。吾一門已登鬼錄矣。吾父子當同死國難。及子喜被執。顧謂錫曰。勉之毋自負。錫曰諾。於是父子並死。果如其言。子喜有弟曰和應。曰。吾不死何以見吾兄於地下。急奉其父布政使公棣避之肇慶。乃赴井死。棟有弟斌。任蒲圻知縣。益爲貴州僉事。皆相繼死。時稱曾氏一門五節云。子喜名享應。何南之臨汝人。

桐城孫臨字克成。負文武才。倚馬千言可就。能開五石弓。善左右射。故又自號曰飛將軍。一夕酒闌鬚鬢奮張。伸一指燃燭上曰。不廓清中原。有如此指。唐王時。上書言關外情形甚悉。特授副使監楊文驄軍。乙酉。我兵下江東。城陷被執。并縛其愛妾爲媼。兵士頗欲犯之。媼嚼舌嚔血。噴其面。罵不絕口。公大笑曰。孫三今日登仙矣。遂并死之。板橋雜紀頗著其事。著有楚水吟。肆雅我懷二集。大略齋稿。東甌曉發云。際曉連檣掛席同。不煩邪許喚篙工。沙頭宿鳥飛逾白。霧裏殘燈點不紅。半嶺霞殘茅店雨。一江潮響石門風。聞雲片片藏孤峽。一鎖寒流日向東。括蒼夜思云。春山花盡月初升。水上南雲夜氣澄。客夢不離桃葉渡。卽歸已是白頭僧。

傅作霖字潤生。湖南武陵人。永明朝。官兵部尚書。從王至武岡。時劉承胤秉政。議降我清。潤生大怒。責其無恥。承胤卒。行兵入潤生冠帶坐堂上。勸降不從。遂死之。妾鄭氏有殊色。被執擊之。過橋亦躍入水死。決絕詞云。戎馬崎嶇間道來。殘花猶伴戰場開。麻鞋兩載奔天淚。白髮孤臣搶地哀。莽莽故園何處問。滔滔逝水幾時回。鍾山風雨今依舊。夜夜銅駝泣草萊。

華亭章曠字于野。高瞻遠眺有不可一世之概。宿白龍寺詩云。肅肅秋林紺殿荒。祇餘一泐獨焚香。向人慘澹言兵事。不是傳聞古戰場。守湘陰城云。何山無地求弓劍。臣子何心飽稻秬。滅絕耳根猶有恨。破除心事倍多情。王蕤齋嘗稱之。當未遇時。何騰蛟抗疏荐公。有云。舉目無一人之可用。惟得一章曠者。爲有生靈之人。其器賞之如此。後遂由監軍僉事。拜武英殿大學士。兵部尚書總督。恢復諸軍。與我清戰不利。竟絕粒卒。撰有報讎錄三卷。巴陵李興璋爲之梓行于世。興璋字天玉。公門生也。未幾亦死國難。

黃九烟先生。上元人。國變後。變姓名曰黃人。字略似。號半非。或贈以詩云。略似半非君尙云。此曹安得復爲人。先生之聲望亦可想矣。晚又號曰圖菴。曰汰沃主人。曰笑貧道人。年七十。忽忽若有所感。仰天太息曰。黃人黃人。而今不可以死乎。因作解脫吟。自撰墓志。且爲銘曰。笑者乎。

笑蒼乎。爾既不層生前之富貴。獨不留死後之文章乎。既不能飛身於碧落。獨不能演夢於黃梁乎。而今竟若此。是安得不心傷乎。然則爾之英風浩氣。甯不蟠五嶽而配三光乎。與妻孥訣。取酒痛飲數斗。大醉。自沉於江。時庚申五月五日也。先生秉性孤介。嫉惡如仇。嘗鑄一印曰性剛骨傲。腸熱心慈八字。實其一生行狀也。著有芻狗齋夏爲堂集。秋日與杜子過高座寺登雨花臺云。被髮何時下大荒。何山舉目共淒涼。客來古寺談秋雨。天爲幽人駐夕陽。去國屈原終婁直。無家李白祇佯狂。百年多少憑高淚。每到西風酒幾行。生平最愛夕陽。然對之卽泣。嘗搜集古今夕陽詩。哀然成帙。而已則不着一字。謝奕山贈以詩曰。留光戀影每如斯。個是人間惹恨時。白首黃郎殊解意。平生不作夕陽詩。先生又嘗有句云。落山河山千古在。秋風天地一人無。其懷抱可想見矣。又嘗作楚州酒人歌云。酒人酒人爾從何處來。我欲與爾一飲三百杯。寰區斗大不能容我兩人醉。直須上叩閻闔尋蓬萊。我思酒人昔在青天上。氣吐長虹光萬丈。手撥北斗酌天漿。天廚絳繹供奇釀。兩輪化作琥珀光。白榆歷歷皆杯盤。吸盡銀河烏鵲愁。黃姑渴死哀清秋。咄咄酒人渾無賴。乘風且訪崑崙邱。綠娥深坐槐眉下。萬樹桃花覆樽罍。穆滿高

歌劉徹吟。一見酒人皆大詫。雙成長踰進三龜。大嚼絳雪吞玄霜。桃花如雨八駿叫。春風浩浩心飛揚。瑤池雖樂樂嶮促。阿母綺意不堪宿。願假青鳥探瀛洲。列真酣飲多如簇。天上無不讀書之神仙。亦無讀書不飲酒之神仙。神仙酒人化爲一。相逢一笑皆陶然。陶然此醉堪千古。平原河朔何足數。瑤羞瓊糜賤如糞。蒼龍可饑鱗可脯。典醕噴目叫怪哉。海波清淺不盈杯。排雲忽復干帝座。撞鐘伐鼓轟如雷。金莖玉液沈灑竭。披髮大笑還歸來。是時酒人獨身橫有四天。下上天下天如龍馬。百靈奔蹶海岳翻。所向無不披靡者。真宰上訴天帝驚。冠劍庭議集公卿。今者酒人有罪罪不赦。不殺不可。殺之反成酒人名。急救酒人令斷酒。酒人惶恐頓首奏陛下。臣有醉死無醒生。帝顧巫陽笑扶酒人去。風馳雨驟。倉皇譴墮楚州城。酒人墮地頗狡獪。讀書學劍皆雄快。白晝繫紲三十時。戲殺青紫如拾芥。生平一飲富春酒。再飲鸚鵡湖。手版腰章束縛苦。半醒半醉聊支吾。誰知一朝乾坤忽反覆。酒人發狂大叫還痛哭。胸中五岳自峨峨。眼底九州何蹙蹙。頭顱頓改甕生塵。酒非酒令人非人。椎盧破觚吾事畢。那計金陵十斛春。還顧此時天醉地醉人皆醉。丈夫獨醒空憔悴。從來酒國少頑民。頌德稱功等游戲。不如大詔天下酒。

徒牛飲。飲兼囚飲。終日酌淋漓。嬉笑罵聊快意。請與酒人搆一凌雲樂日之高堂。以堯舜爲酒帝。羲農爲酒皇。淳于爲酒霸。仲尼爲酒王。陶潛李白坐兩廡。糟壇餘子踴其旁。門外醉鄉風拂拂。門內酒泉流湯湯。幕天席地不知黃。虞與晉魏。裸裎科跣日飛觴。一斗五斗至百斗。延年益壽樂未央。請爲爾更召西施歌。虞姬舞。荆卿擊劍。禰生過鼓。玉環飛燕傳觥籌。周史秦宮奉鼻瓶。與爾痛飲三萬六千場。下視王侯將相皆蓬土。但願酒人一世二世傳無窮。令千秋萬歲酒氏之子孫。人人號稱酒盤古。酒人聞此耳熱復面醜。我更仰天嗚嗚感慨多。卽今萬事不得意。神仙富貴兩蹉跎。酒人酒人當奈何。噫吁嚱。酒人酒人當奈何。爾且楚舞吾楚歌。酒人者當亦亡國之遺黎也。先生名周星。

有溫州府學生葉而立者。名尙高。國變後時。被髮佯狂。幅巾博袖。行於通衢。太守見而拘之。葉賦詩云。北風袖大惹寒涼。僭亂溫州刺史腸。何似蜚蜚身生死。得全楚楚好衣裳。其言至爲沈痛。太守因釋之不問。當丁亥二月上丁。復搦水一杯。芹一束。哭於孔子之前。曰。吾師乎。吾師乎。縱泰山之已頽。曾林放之不如乎。太守至大怒。登繫諸獄。迨五月四日。語獄卒曰。詰朝爲屈大

夫沉湘之期。吾其死矣。俾具湯沐。至明日。果自殺死。與九個事頗相類。

邵幼文。彪佳。與念臺同居。由興化推官至應天都御史。有明之末。政治錯亂。幼文以爲不可救藥。遂告病歸林。治業於馮山。極邱壑之勝。杭州陷。大清兵具束帛以迎。幼文僞爲應聘者。以辭別家人爲詞。返至別業。夜開窗牖。望曰。人物山川。皆幻形也。今山川如故。而人物已非矣。因題數語於几曰。圖功爲其難。潔身爲其易。吾爲其易者。聊存潔身志。含笑入九泉。浩然留天地。遂整冠帶投園池死。

海甯祝開美淵。卽爲吳爾壻寄指南還者也。留都陷。尋自殺死。西湖月夜云。落月鱗鱗水面浮。露華濃滴柱叢秋。不知何處鳴柔櫓。驚起一雙雪色鷗。佛火漁燈漸寂寥。推篷起坐巳中宵。夜來極浦灘聲急。知入西冷第幾橋。著有月隱先生遺藁。當劉念臺被嚴譴。爲之伏闕申救。然初不相識也。及罷歸。遂執贄爲門弟子。亦奇士也。

乙酉南都陷。福王奔蕪湖。馬士英奉太妃走浙江。山陰王季重聞變。上書太妃。請斬士英以謝天下。復給書士英曰。閣下政令自由。兵權獨握。只知酒色逢君。門牆固黨。叛兵至則束手無策。